

Ministarstvo zdravstva Kantona Sarajevo (u daljem tekstu: Ministarstvo), kojeg zastupa Prof.dr.Haris Vranić,Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

JU Apoteke Sarajevo (u daljem tekstu: JUAS), koje zastupa mr.ph. MBA Nedim Hrelja, Generalni direktor

PZU Dina (u daljem tekstu: Apoteka Dina), koju zastupa mr.ph spec. Elvedina Kapetanović, Direktor

PZU Bardakčije (u daljem tekstu: Apoteka Bardakčije), koju zastupa mr.ph spec. Fatima Hadžihasanović-Kršo, Direktor

Zaključili su

### **PROTOKOL**

**O realizaciji programa obezbjeđenja lijekova za liječenje osiguranih lica oboljelih od juvenilnog idiopatskog artritisa i plak psorijaze kod djece za period 01.01.2021. – 31.03.2021. godine**

#### **Član 1.**

Zavod zdravstvenog osiguranja Kantona Sarajevo će za osigurana lica na teret sredstava obaveznog zdravstvenog osiguranja obezbjediti lijekove:

<b>Generički naziv</b>	<b>Zaštićeni naziv</b>	<b>Proizvođač</b>	<b>Oblik i jačina</b>	<b>2021</b>
adalimumab	Humira injekcije a 40 mg	Abbvie	rastvor za injekciju u napunjenom špricu 40 mg/0.4 mL 2 napunjene šprice	1.023,19
tocilizumab	Actemra	Roche	konc. za rastvor za infuziju 80mg/4ml	225,50
tocilizumab	Actemra	Roche	konc. za rastvor za infuziju 200mg/10ml	563,50
tocilizumab	Actemra	Roche	konc. za rastvor za infuziju 400mg/20ml	1.126,50
etanercept	Enbrel	Pfizer	otopina za injekciju u napunjenoj štrcaljki (10 mg) 4 šprice	322,28
etanercept	Enbrel	Pfizer	otopina za injekciju u napunjenoj štrcaljki (25mg) 4 šprice	646,27
etanercept	Enbrel	Pfizer	otopina za injekciju u napunjenoj štrcaljki (50mg) 4 šprice	1.263,92

Učešće Zavoda u utvrđenoj cijeni lijeka iznosi 100 %.



*Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke.*

## *Član 2.*

*Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 6 mjeseci (navedeni uslov provjerava Zavod).*

*Za osiguranike do 6 mjeseci starosti, obaveza kontinuirane prijave na obavezno zdravstveno osiguranje u Kantonu Sarajevo se računa neposredno od rođenja osiguranika.*

*Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.*

*Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stavova 1. i 2. ovog člana.*

## *Član 3.*

*Indikacije za propisivanje lijeka:*

- osigurana lica do 18. godina života oboljela od juvenilnog idiopatskog artritisa*
- osigurana lica do 18. godina života oboljela od Psoriasis vulgaris generalisata.*

*Osiguranicima koji se nalaze na bolničkom liječenju, a tokom bolničkog liječenja su im potrebni lijekovi iz člana 1. ovog protokola, isti će obezbjediti na teret sredstava zdravstvene ustanove u kojoj se liječe, a ne putem ovog protokola na teret Zavoda.*

## *Član 4.*

*Ovlašteni ljekari za propisivanje lijekova iz člana 1. prema indikaciji juvenilnog idiopatskog artritisa iz člana 2. su slijedeći ljekari Pedijatrijske klinike KCUS:*

- prim. mr sci Aida O. Dizdarević*
- mr. sci dr. Velma Selmanović*
- dr. Adisa Čengić*

*Zavod i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.*

*Navedeni ljekari su dužni voditi računa o racionalnom trošenju sredstava koji se izdvajaju za nabavku lijekova po ovom Protokolu.*

## *Član 5.*

*Propisivanje lijekova iz ovog protokola će se vršiti putem elektronskih recepata (eRecept i/ili eTerapija).*

*Zavod će obezbijediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivaču prilikom rada u integralnom informacionom sistemu.*

#### Član 6.

*Propisane recepte osiguranici će moći realizovati u slijedećim apotekama:*

- *JUAS – Apoteka Koševo, ulica Bolnička 9*
- *Apoteka Dina, ulica Bulevar Meše Selimovića bb*
- *Apoteka Bardakčije, ulica Bardakčije broj 18*

*Navedene apoteke se obavezuju da će obezbjediti navedene lijekove iz člana 1. u potrebnim količinama i iste fakturisati Zavodu, po cijenama i načinu utvrđenim članom 1. ovog Protokola.*

#### Član 7.

*Saglasnost za uvođenje u Protokol osiguranicima daje Zavod, po pismenom zahtjevu KCUS, a na osnovu prijedloga Pedijatrijske klinike KCUS, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.*

#### Član 8.

*Ovlašteni ljekari iz člana 4. Protokola su dužni dostavljati tromjesečne izvještaje o osiguranicima uključenim u ovaj program liječenja i postignutim rezultatima terapije. Tromjesečni izvještaj se dostavlja Zavodu najkasnije 30 kalendarskih dana po okončanju svakog tromjesečja.*

*Izvještaji trebaju obuhvatati najmanje slijedeće podatke za svakog pacijenta koji prima lijekova iz ovog Protokola:*

- *ime i prezime pacijenta*
- *datum rođenja*
- *razlog i datum uključivanja terapije, očekivani i dobiveni efekti*

*U slučaju nedostavljanja navedenih izvještaja, Zavod može obustaviti daljnje finansiranje lijekova koji se obezbjeđuju po osnovu ovog Protokola.*

#### Član 9.

*Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.*

*Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje lijekova koji se obezbjeđuju po osnovu ovog Protokola.*

#### Član 10.

*Na osnovu Odluke Upravnog odbora Zavoda o privremenom finansiranju, ovaj protokol se zaključuje na period od 01.01.2021. do 31.03.2021. godine.*

Član 11.

Zavod zadržava pravo izmjene cijena u toku trajanja Protokola, o čemu će obavijestiti ugovorne apoteke.

Zavod je ovlašten da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 12.

Ovaj Protokol sačinjen je u šest (6) istovjetnih primjeraka od kojih svaki potpisnik zadržava po jedan (1) primjerak.

Sarajevo, 07.01.2021.godine

Ministarstvo zdravstva Kantona Sarajevo



Prof.dr.Haris Vranić No-33-626/21

Zavod zdravstvenog osiguranja Kantona Sarajevo



Sakib Katana dipl. gec. 01-33-5-335/21

Klinički centar Univerziteta u Sarajevu

Prof.dr. Sebića Izetbegović

13-01-2021 01-04-11-2021

JU Apoteka Sarajevo

Mr.ph./MBA Nedžad... 01-05-160/21-200-21-21

PZU Dina

Mr.ph. spec. Elvedina Kapetanić

PZU Bardakčije

Mr.ph. spec. Fatima Hadžihasanović-Kršo